

Շոգովուրդ

25
(2691)

21 փետրվարի երեքշաբթի 2023
տպագրության ԺԲ տարի

✉ ք. Երևան, Արուսյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԱՐԱՅԻԿ ԶԱՐԴԱՅՈՒՄՆԵՐԻ ՈՒՂԵՐՉԻ ՄԱՆՐԱՄԱՍՆԵՐԸ



Արցախի Զանրապետության նախագահ Արայիկ Զարուբյանը հայտարարել է, որ փետրվարի 23-ին հանդես է գալու հատուկ ուղերձով: «Ժողովուրդ» օրաթերթն Արցախի իր աղբյուրներից տեղեկացավ, որ Արայիկ Զարուբյանը իր ուղերձում պատրաստվում է հայտարարել Արցախի պետնախարար Բուրեն Վարդանյանին պաշտոնից ազատելու մասին, եթե, իհարկե, այս օրերին շրջադարձային ինչ-որ զարգացումներ տեղի չունենան:

Ավելին՝ մեզ ասացին, որ Զարուբյանը սրա մասին մտադիր է եղել հայտարարել դեռևս փետրվարի 17-ին, բայց քանի որ փետրվարի 20-ին արցախյան շարժման 35-ամյակն էր, որոշել է հետաձգել դա տոներից հետո:

Արցախյան մեր աղբյուրները հայտնեցին, որ ԱԶ պետնախարարի նոր հավանական թեկնածուն, ամենայն հավանականությամբ, Արցախի գլխավոր դատախազ Գուրգեն Ներսիսյանն է:

Նշենք, որ պետնախարարի պաշտոնը նշանակովի է, Արցախի կառավարության ղեկավարին նշանակում է ազատում է նախագահը:

Դեռևս 2022թ-ին Արայիկ Զարուբյանին ինքն էր «բարերար, մեծ փորձ ու գիտելիքներ ունեցող հանրային գործչին» առաջարկել ստանձնել պետնախարարի պաշտոնը, իսկ արդեն մեկ տարի անց ազատում է նրան աշխատանքից, թեև Վարդանյանին ինքը չի ցանկանում հրաժարական տալ:

Արցախում վստահ են նաեւ, որ Արայիկ Զարուբյանը նման քայլի է գնում ոչ այնքան իր հոժար կամքով, այլ իր առջեւ նման պայման է դրել Նիկոլ Փաշինյանը:

Բազմիցս գրել ենք, որ Զայաստանի իշխանություններին դուր չի եկել Բուրեն Վարդանյանի քննադատություններն իրենց հասցեին՝ առ այն, որ Զայաստանի իշխանությունը, ֆինանսական օգնությունից բացի, այլ քայլ չի անում Արցախում ստեղծված ճգնաժամի լուծման հետ կապված:

Նկատենք նաեւ, որ տարբեր աղբյուրներով Արբեջանի նախագահն էլ իր հերթին հայտարարում է, որ չի պատրաստվում Վարդաբաղի հարցով բանակցել «Ռուսաստանի Դաշնությունից արտահանված» Ռուբեն Վարդանյանի հետ, անգամ նախապայման է դրել, որ Լաչինի միջանցքի մասով կշարունակի բանակցությունները միայն Վարդանյանի հեռացումից հետո:

Յ 3 արտաքին գործերի նախարարությունը 1 մլն 672 հազար դրամի ներկայացուցչական ծախսեր է կատարել եւ մեկ անձից կասկածելի եղանակով գնման սկզբունքով տարբեր պայմանագրեր կնքել: Դրանցից մեկով, օրինակ, արտաքին գերատեսչության պետական արարողակարգի ծառայությունը 236 հազար 970 դրամի պայմանագիր է կնքել «Պլազա Սիստեմս»- ՓԲԸ-ի հետ: Այդ գումարի շրջանակներում կազմակերպվել է հուրվաթիայի ԱԳ նախարարի՝ Զայաստան այցի համար հյուրասիրություն: 185 հազար դրամ արժողությամբ պայմանագրով, որը կնքվել է «Էքսկյուզիվ կոնցեռն»-ի հետ, կազմակերպվել է տրանսպորտային ծառայություն հուրվաթիայի Զանրապետության արտաքին գործերի նախարարի պաշտոնական այցի շրջանակներում: «Երեւան Զյուրանց» ԲԲԸ-ի հետ պայմանագիրը կնքված է եղել 778 հազար դրամով: հուրվաթիայի Զանրապետության արտաքին գործերի նախարարի այցի շրջանակներում էլ այս գումարով կատարվել են հյուրանոցային կեցության ծախսերը, եւ նախարարը տեղակայվել է հենց այս հյուրանոցում: հուրվաթիայի արտաքին եւ եվրոպական գործերի նախարարի այցի համար էլ տրանսպորտային ծառայություններն արժեցել են 420 հազար դրամ, պայմանագիրն էլ՝ «Միլենիում Սվիթս» ՍՊԸ-ի հետ, իսկ հուրվաթիայի ԱԳՆ այցի համար էլ 110 հազար դրամ է տրամադրվել, որպեսզի բանավոր թարգմանություն ապահովվի: Ծիծեռնակաբերդ այցելելու համար արարողակարգի ծառայությունը 26 մեխակ էր գնել եւ երկու ծաղկեփունջ:



«Ժողովուրդ» օրաթերթի տեղեկությունների համաձայն՝ ՔՊ-ական պատգամավորները վախի մթնոլորտում են եւ չգիտեն ինչ անել, որպեսզի գտնեն գլխավոր դատախազ Աննա Վարդապետյանի հետ շփվելու, զրուցելու ճանապարհ: Բանն այն է, որ որոշ ՔՊ-ականներ փորձեր արել են նրա հետ շփվելու, սակայն գլխավոր դատախազը նրանց հետ հանդիպելու կամ շփվելու հարցը թողել է օդից կախված: Ավելին, մեզ հասած լուրերի համաձայն՝ որոշ ՔՊ-ականներ, իմանալով, որ փետրվարի 17-ին գլխավոր դատախազի ծնունդն է, փորձել են ծնունդը պատրվակ օգտագործել եւ նրա հետ հանդիպման գնալ, բայց այս փորձն էլ է մնացել անպատասխան: Սա դեռ վերջը չէ. «Ժողովուրդ» օրաթերթին հասած տեղեկությունների համաձայն՝ չի բացառվում, որ Աննա Վարդապետյանը ԱԺ գա ՔՊ-ականներից մեկի նկատմամբ հանրային քրեական հետապնդում հարուցելու միջնորդությամբ, իսկ թե ով կլինի նա, մանրամասները կներկայացնենք առաջիկայում:



Կ առավարությունը պետական բյուջեից 5 միլիոն դրամ աջակցություն է հատկացրել մի շարք հասարակական կազմակերպությունների: Որոշումը ընդգրկված է եղել կառավարության՝ փետրվարի 16-ի օրակարգում, սակայն չզեկուցվող նախագծերի թվում: Թե որոնք են այդ հասարակական կազմակերպությունները, եւ որ ոլորտներում ինչպիսի գործունեություն են իրականացնում, Կառավարության ընդունած որոշման մեջ նշված չէ. որոշման կետերը հույժ գաղտնի են: Նկարագրության մեջ նշվում է, թե տվյալ հասարակական կազմակերպություններն իրականացնելու են հետազոտություններ, ռազմավարական եւ հայեցակարգային փաստաթղթերի պատրաստում եւ փորձաքննությունների կազմակերպման համար խորհրդատվական, մասնագիտական, վերլուծական ծառայություններ: Ընդ որում՝ ֆինանսների նախարարությունը նախագծի վերաբերյալ դիտողություն է արել եւ նշել, թե աջակցություն քաղաքական կուսակցություններին, հասարակական կազմակերպություններին եւ արհմիություններին ծրագրով գումարի հատկացումը նպատակահարմար չէ իրականացնել պահուստային ֆոնդից: Նաեւ նշվել է, թե նախագծով հիմնավորված չէ նաեւ գումարի հատկացման հրատապությունը: Առաջարկվել է միջոցառման գծով անհրաժեշտ ծախսերը կատարել ՀՀ վարչապետի աշխատակազմի առկա ռեսուրսների հաշվին: Դիտողությունը ընդունվել է, եւ փոփոխություն է կատարվել: Հավելենք, որ կառավարությունը 2022 թ.-ի պետական բյուջեով էլ 8 մլն դրամ էր հատկացրել հասարակական կազմակերպություններին, եւ կրկին պարզ չէր, թե ում: Մեկ անգամ էլ այդ նույն ծրագրով 46 մլն 976 հազ. դրամ էր հատկացվել: Թե ում էր փոխանցվել այդ գումարը, կրկին հայտնի չէ, քանի որ կառավարության որոշման նախագծի 2-րդ կետը հույժ գաղտնի էր համարվել:



ՔԱՂԱՔԱԿԱՆ

ԽԱՅՏԱՌԱԿՈՒԹՅՈՒՆ ԷՐ

ՂԵՐԹԱԿԱՆ ՏԱՊԱԼՄԱՆՆ ԸԿԱՆԱՏԵՍ ԵՂԱՆՔ

Փետրվարի 18-ին Մյունխենի անվանագրության համաժողովի Երջանակում տեղի է ունեցել ՀՀ վարչապետ Նիկոլ Փաշինյանի, ԱՄՆ դեսֆաբրուար Էնթոնի Բլինկենի և Ադրբեջանի նախագահ Իլհամ Ալիևի եռակողմ հանդիպումը: Հանդիպմանն անդրադարձ է կատարել Հայաստանի և Ադրբեջանի միջև խաղաղության դաշմանակարգի նախագծի շուրջ աշխատանքների ընթացքին, ինչպես նաև սարածաբանական սրահադրային ենթակառուցվածքների աղաբահականում ու երկու երկրների միջև դեղին հարկանայի իրականացմանը՝ համաձայն Պրահայում ձեռք բերված դաշմանակարգվածության: Վարչապետ Փաշինյանը վերահաստատել է հայկական կողմի նպատակահարմարությունը՝ հասնելու այնպիսի դաշմանակարգի ստորագրմանը, որն իսկապես կերտապարտի սարածաբանում երկարամյակ խաղաղությունն ու կայունությունը: Նիկոլ Փաշինյանը ընդգծել է նաև Ադրբեջանի կողմից Լաչինի միջանցքի աղբյուրի Երջանակում ու դրա հետևանքով ԱԶ-ում առաջացած հումանիտար, բնապահպանական և էներգետիկ ճգնաժամի փաստը: Կարենուրվել է Հայաստանի և Ադրբեջանի միջև խաղաղության գործընթացի շարունակականության աղաբահությունը: Հանդիպման արդյունքների վերաբերյալ «Ժողովուրդ» օրաթերթը գրուցել է «Հայրենիք» կուսակցության խորհրդի անդամ Խաչիկ Գալստյանի հետ:



Այն մտտեցումները, որոնք նա ներկայացնում էր արցախյան հիմնահարցի վերաբերյալ, ուղղակի խայտառակություն էր: Մյունխենում մենք հերթական տապալմանն ակնատես եղանք, տեսանք, թե ինչպես է Ալիևը հայ ժողովրդի «աչքը մտցնում» 2021-ի ընտրությունները: Ըստ նրա՝ հայ ժողովուրդը համակերպվել է կապիտուլյացիայի հետ, և դա ամբողջ հայ ժողովրդի վզին է փաթաթում: Ես ամենեւին էլ այդ կարծիքին չեմ, հայության մի ստվար զանգված, որը արցախյան գոյապայքարի ակունքներում է կանգնած, լիաժող է, որ այս պայքարը շարունակական է, Արցախը գոյություն ունի, վստահ եմ, Արցախը քաղաքական ինքնություն կունենա: Ես կարծում եմ, որ Մյունխենում արձանագրվեց նաև հերթական հակառակական կոալիցիան, և Հայաստանի իշխանությունները, ցավոք սրտի, մասն են կազմում դրա, իսկ հետևանքները մեզ համար խիստ ճակատագրական կարող են լինել:

-Պարոն Գալստյան, մյունխենյան հանդիպումից հետո կողմերը հայտարարեցին, որ պայմանավորվել են շարունակել


խաղաղության պայմանագրի շուրջ քննարկումները: Միեւնույն ժամանակ Ալիևը հայտարարեց, թե խաղաղության պայմանագրում Լեռնային Ղարաբաղի վերաբերյալ դրույթ չպետք է լինի: Ինչ կասեք այս մասին.

-Ցավոք սրտի, այսօր Ալիևը իրեն թույլ է տալիս հանդես գալ թելադրողի դիրքերից. նա, ինչ-որ առումով, այդ իրավունքը վաստակել է, քանի որ թուրք-ադրբեջանական տանդեմի երազանքների իշխանությունն է այսօր Հայաստանում, նրանք էլ կարողանում են նման լկտի ու ցինիկ պահվածքով իրենց դրսևորել: Ինչ վերաբերում է խաղաղության պայմանագրում Արցախի իշխատակմանը, այս իշխանությունները ամեն ինչ անում են քաղտնիության քողի տակ, ժողովրդին տեղյակ չեն պահում խնդրի մասին, մարդկանց փաստի առաջ են կանգնեցնում: Հաշվի առելով Նոյեմբերի 9-ի չարագուշակ նախադեպը՝ մի օր էլ արթնանալու ենք ու տեսնենք, որ Փաշինյանը սոր փաստաթուղթ է ստորագրել, որտեղ հայ ժողովրդի որեւէ կենսական շահ ներկայացված չի լինելու:

Ջրուցեք ՔՐԻՍՏԻՆԵ ՄՈՒՇԵՂՅԱՆԸ



ԿԻՒՄԻ ԳԱՏԱՐԱՆ



«Ժողովուրդ» օրաթերթի տեղեկություններով ՀՀ քննչական կոմիտեն 4-րդ անգամ է դիմելու դատարան՝ ՊԲ Նախկին հրամանատար Միքայել Արզումանյանի կալանքը երկարացնելու միջնորդությամբ: Հիշեցնենք՝ 2022-ի սեպտեմբերի 1-ին դատախազությունը հայտարարեց, որ Արցախի ՊԲ Նախկին հրամանատար, Արցախի Նախագահի խորհրդական Միքայել Արզումանյանին մեղադրանք է ներկայացվել 2020 թվականի արցախյան պատերազմի ընթացքում ռազմավարական կարևոր Նշանակություն ունեցող «Արեգա» բարձունքը և հարակից մարտական դիրքերն ազատագրած անձնակազմին «Նահանջ» հրաման տալու համար:

Արզումանյանը կալանավորվել էր սեպտեմբերի 1-ին և մինչ օրս գտնվում է կալանքի տակ: Նրա քրեական վարույթով ակտիվ առերեսումների փուլ է:

ՓՈՒՎԱՐՉԱՊԵՏՆԵՐԸ ԵՎՍ

Այսուհետ փոխվարչապետների հրավերով Հայաստան ժամանած պատվիրակությունների այցերի հետ կապված ծախսերի ֆինանսավորումը եւս կիրականացվի պետական արարողակարգի ծառայության հաշվին և ներկայացրած հաշվետվության հիման վրա: ArmLur.am-ը տեղեկացավ, որ այդպիսի նախագիծ է ներկայացրել ՀՀ արտաքին գործերի նախարարությունը:

Ըստ այդմ, փոխվարչապետներ Տիգրան Խաչատրյանն ու Միհր Գրիգորյանը եւս Հայաստան պատվիրակություններ հրավիրելու իրավունք կունենան:

Նոր փոփոխությամբ՝ «բարձրաստիճան պատվիրակությունների» հասկացության մեջ առաջարկվում է ներառել նաև Հայաստանի Հանրապետության փոխվարչապետների հրավերով Հայաստանի Հանրապետություն ժամանող օտարերկրյա պետությունների փոխվարչապետների գլխավորած պատվիրակությունները: Նշվում է, թե այդ անհրաժեշտությունը պայմանավորված է շատ երկրներում, այդ թվում՝ նաև Հայաստանի Հանրապետությունում փոխվարչապետների՝ գործառնությանի և արարողակարգային ավելի մեծ դերակատարում ունենալու և այցերը պատշաճ մակարդակով և օպերատիվ կազմակերպելու հանգամանքով:

Հիշեցնենք, որ մինչև այս փոփոխությունը նման իրավունք ունեին ՀՀ վարչապետը, ՀՀ Նախագահը և ԱԾ Նախագահը:

ԳԵՂԱՐՔՈՒՆԻՔԻ ՍԱՐՁ

ՔՊ-ԱԿԱՆՆԵՐԻ ԲԵՄԱԴՐՈՒԹՅՈՒՆԸ

ԱԾ «Քաղաքացիական դաշմանակարգի» խմբակցության մի քանի դասգամավորներ, խմբակցության ֆաբրուար Արթուր Հովհաննիսյանի գլխավորությամբ, Երջանակ են սոցիալական ցանցի իրենց էջերում սույց տալ, թե աշխատում են, հանդիպում բնակիչներին, բայց իրականում բեմադրություն են կազմակերպում:

Ներկայացված լուսանկարներում, օրինակ, Ալխաս Ղազարյանը ներկայացնում է այցը Գեղարքունիքի մարզի Կուտական համայնք, հանդիպումը բնակիչների հետ:



Նկատենք, որ Կուտականը սահմանամերձ, աղքատ գյուղ է, որտեղ վերանորոգված գրեթե ոչինչ չկա, և հարց է, թե պատգամավորները որտեղ են շքեղ պայմաններ գտել Կուտականին մոտ և տաքուկ հանդիպում կազմակերպել: ArmLur.am-ը պարզեց, որ ներկայացված լուսանկարները Վարդենիս քաղաք չհասած «Միկա» ռեստորանում են արվել, որտեղ ՔՊ-ականները տաքուկ նստած ժողով են անում և տպավորություն ստեղծում, թե հանդիպում են բնակիչների հետ կամ աշխատում են:



Հիշեցնենք, որ Վարդենիսում իսկապես ցուրտ է, և ՔՊ-ականները վախեցել են մրսել:

ՆԱԻՐԱ ՀՈՎՀԱՆՆԻՍՅԱՆ Վարդենիս

ԻՐԱՎԻՃԱԿ

ՊԱՏԱՍԽԱՆ

ՄԱՐԴԿԱՆՑ ՏԵՂԱՇԱՐԺԸ ՊԵՏՔ Է ՎԵՐԱԿԱՆԳԻՆՎԻ

100 ԳԻՏՈՐԳՆԵՐ ԿԺԱՄԱՆԵՆ

Հաջորդ շաբաթ Հայաստան կժամանեն Եվրամիության 100 դիտորդները: Այս մասին Մյունխենում Հայաստանի վարչապետի հետ հանդիպումից հետո հայտարարել է Եվրոպական հանձնաժողովի նախագահ Ուրսուլա Ֆոն Դեր Լայենը: Նրանք կտեղակայվեն Ադրբեջանի հետ սահմանին հարող Հայաստանի տարածքներում: Նրանք թվում են ֆրանսիական ժանդարմերիայի 8 սպա (նրանք գտնվում են ՆԳՆ-ի և ՊՆ-ի երկակի ենթակայության տակ) և 15 գերմանացի ոստիկան: Իր հերթին Եվրամիության արտաքին հարաբերությունների և անվտանգության հարցերով բարձր ներկայացուցիչ ժոզեպ Բորելը հայտարարել է, որ Եվրամիության առաքելությունը Հայաստանի ամբողջ տարածքում դիտարկելու և տեղեկացնելու է իրավիճակի մասին՝ նպաստելով մարդկանց անվտանգությանն ու Հայաստանի և Ադրբեջանի միջև վստահության ամրապնդմանը: Իր հերթին Եվրոպական պատվիրակության անդամները երեկ այցելել են Ջերմուկ՝ ծանոթանալու ադրբեջանական վերջին հարձակման թիրախ դարձած քաղաքի խնդիրներին, վաղն էլ լինելու են Վարդենիսում, Գորիսում, որոնք ես նախորդ տարվա ռազմական գործողությունների հիմնական ուղղություններից էին: Փաստահավաք առաքելությամբ երեանում գտնվող ԵՆԽՎ համազգեկուցողները նաև հանդիպել են Ազգային ժողովի նախագահ Ալեն Սիմոնյանին: Խորհրդարանի խոսնակն ընդգծել է համազգեկուցողների՝ սահմանամերձ մարզեր այցելության և Հայաստանում հանգրվանած արցախցիների հետ հանդիպման անհրաժեշտությունը: Նաև մանրամասներ են ներկայացվել արդեն 69 օր ադրբեջանցիների կողմից փակված Լաչինի միջանցքի ճգնաժամի և դրա հետեանքների մասին: Իսկ ժամանող ԵՄ առաքելությունը երկրորդն է: 40 հոգուց բաղկացած առաջինը խումբը Հայաստանում էր հոկտեմբերի 19-ից դեկտեմբերի 19-ը: Երկրորդ առաքելությունն ուղարկելու որոշումը Եվրահանձնաժողովն ընդունել է 2023 թվականի հունվարի 23-ին:

ԿՆԵՐԿԱՅԱՅՎԻ ԱՅՍՕՐ

ՀՀ արդարադատության նախարարի տեղակալ Լեոն Բայանը այսօր ՀՀ ԱԾ պետական-իրավական հարցերի մշտական հանձնաժողովի նիստում ներկայացնելու է «Հայաստանի Հանրապետության քրեական օրենսգրքում լրացումներ կատարելու մասին» օրենքի նախագիծը: Նախագիծում հորդված է ավելացվելու, ըստ որի՝ «ինքնիշխանությունից հրաժարվելու, բռնություն գործադրելու կամ բռնություն գործադրելու սպառնալիքի միջոցով Հայաստանի Հանրապետության ինքնիշխանությունը լրիվ կամ մասնակի սահմանափակելու նույնպես գործողություններ կատարելը պատժվում է ազատազրկմամբ՝ տասից պատնիսն ավել տարի ժամկետով»: Հիմնավորման մեջ նշվում է, որ նախագծի նպատակն անմիջականորեն պետության ինքնիշխանության պաշտպանությանն ուղղված քրեաիրավական միջոցների նախատեսումն է: Նախագծի ընդունման արդյունքում քրեորեն պատժելի արարքներ են համարվելու ինքնիշխանությունից հրաժարվելու, բռնություն գործադրելու կամ բռնություն գործադրելու սպառնալիքի միջոցով Հայաստանի Հանրապետության ինքնիշխանությունը լրիվ կամ մասնակի սահմանափակելու նույնպես գործողություններ կատարելը, ինչպես նաև ինքնիշխանությունից հրաժարվելու նույնպես հրապարակային կոչերը:

ԱԾ մարդու իրավունքների դաշտանության և հանրային հարցերի մեծական հանձնաժողովի նախագահ, անկուսակցական Թագուհի Թովմասյանը սոցցանցի իր էջում գրում է. «Մարդկանց, սրանտորսային միջոցների և բռնների անվտանգությունն ու սեղաւարժման ազատությունը Բերձրի միջանցքի երկայնքով դե՛ս է վերականգնվի. Եվրոպական արտաքին գործողությունների ծառայության բաժնի ղեկավար Գորնա Գուլչի-Մուլիզան դասախոսել է իմ հրատարակմանը:

Արցախ վերադարձող 19 հայ երեխաների նկատմամբ մի խումբ ադրբեջանցիների կողմից էմոցիոնալ և հոգեբանական բռնության միջադեպի մասին ահազանգել էի Նաև Եվրոպական հանձնաժողովի նախագահ Ուրսուլա Ֆոն Դեր Լայենին:

Մասնավորապես նշել էի, որ 10-15 ադրբեջանցիներ՝ դեմքերը փակ, ներխուժել են երեխաներին տեղափոխող ավտոբուս, նրանց ենթարկել հոգեբանական տեռորի, բացահայտ սպառնալիքներ հնչեցրել նրանց նկատմամբ:

Ադրբեջանցիները նկարահանել են միջադեպը, որտեղ երեւում են հայ երեխաների վախեցած դեմքերը, միտումնավոր տարածել սոցիալական մեդիայում ես մեկ քայլ կատարելով դեպի էթնիկ հայերի նկատմամբ ցեղասպանական քաղաքականության կենսագործում:

Հիմնավորելով ադրբեջանցիների գործողություններում Երեխայի իրավունքների մասին կոնվենցիայի կոպիտ խախտումների առկայությունը՝ տիկին Ուրսուլա Ֆոն Դեր Լայենին խնդրել էի ձեռնարկել կոնկրետ քայլեր՝ սահմանելու պատժամիջոցներ այդ հրահանգը տված Ադրբեջանի քաղաքական ղեկավարության նկատմամբ:

Նամակին ի պատասխան՝ ստացել եմ գրություն Եվրոպական արտաքին գործողությունների ծառայության բաժնի ղեկավար Գորնա Գուլչի-Մուլիզայից, որը հավաստիացնում է, որ իրենք քաջատեղյակ են միջադեպի մասին:



«Մենք հավասարապես մտահոգված ենք մնում այն տառապանքով, որ ազատ տեղաշարժի շարունակվող սահմանափակումները պատճառում են տեղի բնակիչներին, ինչպես նաև հումանիտար հետեանքներով»,- նշում է Եվրոպական արտաքին գործողությունների ծառայության բաժնի ղեկավարը: Տիկին Մուլիզան հավելում է, որ 2022թ. դեկտեմբերի սկզբից մոբիլիզացրել են բոլոր դիվանագիտական ջանքերը՝ հասնելու իրավիճակի լուծմանը: ԵՄ բարձր հանձնակատար, փոխնախագահ Ժոզեֆ Բորելը, Հարավային Կովկասի և Վրաստանում ճգնաժամի հարցերով ԵՄ հատուկ ներկայացուցիչ

Տոյվո Կլաարը կանոնավոր կապի մեջ են Հայաստանի և Ադրբեջանի իշխանությունների հետ: «Մենք շարունակում ենք պնդել, որ մարդկանց, տրանսպորտային միջոցների և բեռների անվտանգությունը և ազատ տեղաշարժը Բերձրի միջանցքի երկայնքով պետք է վերականգնվի՝ համաձայն 2020թ. նոյեմբերի 9-ի եռակողմ հայտարարության: Մենք կիսում ենք Ձեր մտահոգությունը և կշարունակենք մեր ջանքերը՝ գտնելու իրավիճակի՝ ժամանակին և խաղաղ հանգուցալուծում»,- ավտիպել է Եվրոպական արտաքին գործողությունների ծառայության բաժնի ղեկավարը»:

ՕՐՎԱ ԽՃԱՆԿԱՐ

ԱՃԽԱՏԱՆՔԱՅԻՆ ԱՅՑ

ԱԾ նախագահի որոշմամբ՝ ԶՊ խմբակցության պատգամավոր Ալեքսեյ Սանդիկովը մարտի 2-4-ը աշխատանքային այցով կգործողվի Մոսկվա: Թե ինչ քննարկումներ կամ հանդիպումներ է Մոսկվայում ունենալու պատգամավորը, հստակեցված չէ:

ArmLur.am-ը տեղեկացավ, որ պատգամավորի գործուղման հետ կապված օրապահիկի վճարումը կատարվելու է պետությունից հաշվին, իսկ ճանապարհածախսի և գիշերավարձի վճարումը կատարելու է իրավորող կողմը:

ՆՈՐ ՆԱԽԱԳԻԾ

Ազգային ժողովի ԶՊ խմբակցության պատգամավորներ Գեորգ Պապոյանը, Արուսյակ Մանավազյանն ու Նարեկ Գրիգորյանը նախագիծ են ներկայացրել և առաջարկում են սահմանափակել արտարժույթով հիփոթեքային վարկերի տրամադրումը: Խոսքը նրանց հեղինակած «Արժուրային կարգավորման և արժուրային վերահսկողության մասին» օրենքում փոփոխություններ կատարելու մասին» օրենքի նախագիծն է վերաբե-

րում: Այս փոփոխության վերաբերյալ նաև փետրվարի 17-ին կազմակերպվել էր աշխատանքային քննարկում: Նշենք, որ օրինագիծն օրեր առաջ ընդունվել է առաջին ընթերցմամբ:

Աշխատանքային քննարկմանը մասնակցել են պատգամավորներ, Կենտրոնական բանկի նախագահ Մարտին Գալստյանը և այլ ներկայացուցիչներ Կենտրոնական բանկից, Կառավարության անդամներ, բանկերի և վարկային կազմակերպությունների ներկայացուցիչներ:

Նկատենք՝ առաջարկվող սահմանափակումը նոր բան չէ. այն արդեն կիրառվում է սպառողական վարկերի տրամադրման դեպքում:

Սակայն ընդդիմախոսներից ոմանք կարծում են՝ եթե ընդունվի նախագիծը, դրանով քաղաքացիները կզրկվեն ընտրության հնարավորությունից, ինչպես նաև կբարձրանան դրամով տրվող հիփոթեքային վարկերի տոկոսադրույթները: Որոշ փորձագետների կարծիքով՝ նախագիծը որոշ հակասահմանադրական տարրեր է պարունակում:

Որոշ մտահոգություններ ունեն նաև վարկային կազմակերպությունների ներկայացուցիչները, օրինակ՝ առաջարկի ըն-

դունման դեպքում վարկային կազմակերպությունները չեն կարող մրցակցել բանկերի հետ և դուրս կմնան շուկայից: Առաջարկվել է ընդունվելուց հետո օրենքն ուժի մեջ մտցնել 1 տարի անց:

ՊԱՅՄԱՆԱՎՈՐՎԱԾՈՒԹՅԱՆ ԽԱԽՏՈՒՄ

Դավիթ Տոնոյանի վերաբերյալ քրեական գործով յուրաքանչյուր երեքշաբթի դատական նիստեր անցկացնելու վերաբերյալ դատավորի հետ ձեռք բերված պայմանավորվածությունը վերջինիս կողմից խախտվեց այս անգամ էլ վերապատրաստման դասընթացների մասնակցելու պատճառով: 2023 թվականի փետրվարի 21-ին դատական նիստ նշանակելու փոխարեն՝ դատական նիստ է նշանակվել 2023 թվականի փետրվարի 28-ին: Ստացվում է, որ Դավիթ Տոնոյանը և նույն գործով անազատության մեջ գտնվող մյուս անձինք պետք է շարունակեն մնալ կալանքի տակ այս անգամ էլ դատավորի վերապատրաստվելու պատճառով, ինչը որեւէ կերպ չի բխում Մարդու իրավունքների եվրոպական կոնվենցիայով ամրագրված դրույթներից:

ԻՐԱՎԱԿԱՆ

ՏԱՐՕՐԻՆԱԿ ՎԱՐՔԱԳԻԾ

ԹՄՐԱՄԻՋՈՑ ՊԱՐԵԼՈՒ ԴԵՊՔ

Փետրվարի 17-ին ժամը 15:00-ի սահմաններում, Երևան ֆաղափի Վիկյուսի փողոցում ծառայություն իրականացնող դահլիճները նկատել են սարժինակ վարագծով մի ֆաղափացու, որը իրավադաշտներին հայտնել է, որ իր մոտ ունի օգտագործված կաթոցիչ, իսկ դայուսակում բնամիջոց, որից 0.5 գրամ ֆառով Կրիստալ Տեսակի բնամիջոցը, որը ձեռք է բերել Telegram հավելվածի միջոցով, դասկանում է իրեն:



Քննչական կոմիտեից ArmLur.am-ին հայտնում են, որ իրականացված օպերատիվ-հետախուզական միջոցառումների արդյունքում պարզվել է հիշյալ քաղաքացու ինքնությունը: Վերջինիս անձնական խուզարկությամբ հայտնաբերվել է վերցվել է 23.66 գրամ ընդհանուր քաշով բյուրեղանման զանգվածների պարունակությամբ 28 փաթեթ, ինչպես նաև կապույտ գույնի պլաստմասե բաղկացուցիչով, մոխրացված պատերով եւ յուրահատուկ հոտով կաթոցիչ:

Դեպքի առթիվ ՀՀ քննչական կոմիտեի Երևան քաղաքի քննչական վարչության Ավան եւ Նոր Նորք վարչական շրջանների քննչական բաժնում, ՀՀ քրեական օրենսգրքի 393-րդ հոդվածի 1-ին մասով եւ ՀՀ քրեական օրենսգրքի 396-րդ հոդվածի 1-ին մասով նախատեսված հանցագործության հատկանիշներով, նախաձեռնվել է քրեական վարույթ: Հանցանք կատարած լինելու անմիջականորեն ծագած կասկածանքի հիման վրա՝ Նշված անձը ձերբակալվել է:

Դեպքի առթիվ ՀՀ քննչական կոմիտեի Երևան քաղաքի քննչական վարչության Ավան եւ Նոր Նորք վարչական շրջանների քննչական բաժնում, ՀՀ քրեական օրենսգրքի 393-րդ հոդվածի 1-ին մասով եւ ՀՀ քրեական օրենսգրքի 396-րդ հոդվածի 3-րդ մասով, Կարույթ իրականացնող ընկնչի կողմից միջնորդություն է ներկայացվել դատարան՝ նրա նկատմամբ կալանավորումը որպես խափանման միջոց կիրառելու վերաբերյալ, ինչը բավարարվել է:

ՔԿ փոխանցմամբ՝ հայտնաբերված եւ փորձաքննությանը ներկայացված փաթեթների պարունակությունը ենթարկվել է նախնական զննության, իսկ դրանցից որոշները՝ նաև որակական հետազոտություն:

Ձեռք բերված փաստերի հիման վրա՝ վերոհիշյալ քաղաքացուն մեղադրանք է ներկայացվել՝ ՀՀ քրեական օրենսգրքի 396-րդ հոդվածի 3-րդ մասով: Կարույթ իրականացնող ընկնչի կողմից միջնորդություն է ներկայացվել դատարան՝ նրա նկատմամբ կալանավորումը որպես խափանման միջոց կիրառելու վերաբերյալ, ինչը բավարարվել է:

Նախաքննությունը շարունակվում է: Ձեռնարկվում են անհրաժեշտ միջոցառումներ՝ թմրամիջոցների ձեռք բերման աղբյուրը, ապօրինի շրջանառության հնարավորությունը բացահայտելու ուղղությամբ: ՀՀ ՆԳՆ ոստիկանության համապատասխան ստորաբաժանները տրվել է օպերատիվ-հետախուզական միջոցառումներ իրականացնելու վերաբերյալ հանձնարարություն:

ԲԱՅԱՐԱՅՏՈՒ

ԿԱՇԱՌՔ ՍՏԱՆԱԼՈՒ ԴԵՊՔ

ՀՀ ազգային անվանական ծառայության Երևանի ֆաղափային վարչությունում ստացված օդերասիլ Տեղեկությունների իրացման արդյունքում փաստական սվյալներ են ստացվել, որ Տեղական ինֆակառավարման մարմնի անունից իրավունք, դարսականություն կամ դասասկանանություն առաջացնող գործառնություններ իրականացնող Երևան համայնքի Ավան վարչական շրջանի աշխատակազմի ֆաղափայինության եւ հոգսագործման բաժնի ղեկը, նախնական համաձայնության գալով նույն վարչական շրջանի այլ դասնոցաւոր անձանց հետ, 2022 թվականի դեկտեմբերից մինչև 2023 թվականի փետրվարի 17-ն ընկած ժամանակահատվածում կառուցադասման աշխատանքներով զբաղվող ֆաղափայիններից դախանջել եւ ստացել են սարբեր չափերի կաշառք գումարներ՝ իրենց իշխանական լիազորություններով դայմանավորված կաշառք սված անձանց օգտին աղբորնի գործողություններ կամ անգործություն կատարելու համար, ինչպես նաև նույն նոցասկներով ընդունել են սնտավարողների կողմից կաշառք սարու առաջարկը, որդիսի գործողությունների արդյունքում իրենց իշխանական լիազորություններն օգտագործել են ի վնաս ծառայողական անտերի էական վնաս դասնառերով դեկտայան, ինչպես նաև անձանց իրավունքներին ու



օրինական անտերի: Հերթական անգամ 2023 թվականի փետրվարի 17-ին Ավան վարչական շրջանի աշխատակազմի քաղաքաշինության եւ հոգսագործման բաժնի պետի պաշտոնը զբաղեցնող անձը, իր իշխանական լիազորություններն օգտագործելով Ավան վարչական շրջանում կառուցապատման աշխատանքներ կատարող Բ.Ս-ի օգտին գործողություն կատարելու, այն է՝ շինարարական աշխատանքներ իրականացնելու թույլտվություն տրամադրելու համար, իր կողմից շահագործվող BMW մակնիշի, MS 922 MS վրացական հաշվառման համարանիշի ավտոմե-

քնայում 500.000 ՀՀ դրամ գումար ստանալուց եւ տարադրամի փոխանակման կետում այն դրվարի փոխարկելուց հետո կաշառք տված անձի հետ միասին հայտնաբերվել եւ ձերբակալվել են: Դեպքերի կապակցությամբ ՀՀ ազգային անվտանգության ծառայության քննչական դեպարտամենտում, ՀՀ քրեական օրենսգրքի համապատասխան հոդվածներով, նախաձեռնվել է քրեական վարույթ: Անհետաձգելի վարույթային գործողությունները կատարելուց հետո նախաքննություն իրականացնելու նպատակով քրեական վարույթ, ըստ քննչական ենթակայության, ուղարկվել է ՀՀ հակակոռուպցիոն կոմիտե:

ԼՈՒՐԵՐ

ՋԻՆԾԱՌԱՅՈՂՆԵՐԸ ՄԱՐԱՑԵԼ ԵՆ

Փետրվարի 19-ին ժամը 19:40-ի սահմաններում, Խնածախ գյուղի մոտակայքում ձնախուսի պատճառով ՊՆ «ՈՒԱԶ» մակնիշի ավտոմեքենան գլորվել է ձորը, ինչի հետեւանքով մահացել են պայմանագրային զինծառայողներ Ջորանդ Հրանտի Արզումանյանը եւ Ջորանկ Սամվելի Երանոսյանը: Այս մասին հայտնում են պաշտպանական գերատեսչության տեղեկատվության եւ հասարակայնության հետ կապերի վարչությունից՝ մանրամասնելով Սյունիքի մարզում տեղի ունեցած ողբերգական վթարի հանգամանքները, որի մասին քիչ առաջ հայտնել էինք: Նշվում է, որ 2 զինծառայող տարբեր վնասվածքներով տեղափոխվել է կայազորային հոսպիտալ: Վնասվածքներ ստացած զինծառայողների վիճակը գնահատվում է բավարար, կյանքին վտանգ չի սպառնում: «Մեքենայի անձնակազմը, եղանակային չափազանց վատ պայմաններում փորձելով ստորաբաժանման մյուս զինծառայողներին օգնության հասնել, ինդիրը կատարելու համար ցուցաբերել է անձնուրացություն: Ցավոք սրտի, դժբախտ պատահարի հետեւանքով վերոհիշյալ զինծառայողները մահացել են: Հայաստանի Հանրապետության պաշտպանության նախարարությունը կիսում է կորստյան ծանր վիշտը եւ գորակցություն հայտնում դժբախտ պատահարի հետեւանքով մահացած զինծառայողների ընտանիքների անդամներին, հարազատներին եւ ծառայակիցներին»,- ասվում է հաղորդագրության մեջ:

ՄԵՆԱՐԱՏ ԿՐԱԿՈՑ

2023 թվականի փետրվարի 19-ին զինծառայողի մահվան դեպքի առթիվ ՀՀ քննչական կոմիտեի ՋԲԳՎ վեցերորդ կայազորային քննչական բաժնում, ՀՀ քրեական օրենսգրքի 522-րդ հոդվածի 2-րդ մասի 3-րդ կետով, նախաձեռնվել է քրեական վարույթ: ՔԿ-ից հայտնում են, որ ՀՀ ՊՆ ՌՌ Իջեւանի բաժնից հաղորդում է ստացվել այն մասին, որ ՀՀ ՊՆ Ն գորամասի պարտադիր ժամկետային զինծառայող Հ.Պ.-ն՝ ծնված 2004թ-ին, գորամասի պահպանության շրջանի մարտական դիրքի տարածքում նույն օրը՝ ժամը 12:45-ի սահմաններում, հայտնաբերվել է գլխի շրջանի հրագեւային վիրավորումով: Վերջինս մահացած վիճակում ընդունվել է Իջեւանի բժշկական կենտրոն: Ըստ նախնական տվյալների՝ Հ.Պ.-ն մահացել է իրեն ամրակցված ինքնաձիգից գլխի շրջանին արձակված մեկահատ կրակոցից ստացած վնասվածքի հետեւանքով: Իրականացվում է նախաքննություն: Կատարվել է դեպքի վայրի զննություն, հարցաքննվել են մի շարք զինծառայողներ: Քրեական վարույթի շրջանակում Նշանակվել է դիակի դատաբժշկական, համալիր ձգաբանական, հետքաբանական, ինչպես նաև այլ փորձաքննություններ: Ձեռնարկվում են անհրաժեշտ բոլոր միջոցները՝ զինծառայողի մահվան հանգամանքները, այդ թվում՝ նաև դեպքի նախորդող շրջանում զինծառայողների շրջանում ոչ կանոնադրային հարաբերության հնարավոր դրսեւորումների առկայությունը պարզելու ուղղությամբ:

● Ըստ ոստիկանության տվյալների՝ փետրվարի 17-ից 20-ը Հայաստանի Հանրապետությունում բացահայտել են հանցագործության 137 դեպք, որոնցից 10-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԳՈՐԾԱՐԱՐՆԵՐԸ ԳԺԳՈՂ ԵՆ

2022թ. Նոյեմբեր ամսին տեղի է ունեցել Տավուշի մարզի Բերդ և Նոյեմբերյան քաղաքներում իրավաբանական անձանց պետական ռեգիստրի գործակալության տեղի բաժանմունքների փակումը: Պետական ռեգիստրի Բերդի և Նոյեմբերյանի բաժանմունքների մեկական աշխատողներն ամեն աշխատանքային օր ժամանում են Տավուշի մարզկենտրոն Իջեան քաղաք՝ Հայփոստի գրասենյակ, Երեւանյան 10 հասցեում տեղակայված հանրային ծառայությունների միասնական գրասենյակում կատարում են նույն գործառնությունները, ինչպես որ նախկին աշխատավայրում էին կատարում: Բերդ քաղաքի, այդ համայնքի հեռավոր գյուղերի բնակիչները, Նոյեմբերյան քաղաքի, այդ համայնքի Այրում քաղաքի, Բագրատաշեն և այլ գյուղերի բնակիչները դժգոհում են, որ անհատ ձեռներեց գրանցվելու, ՍՊԸ բացելու, Բագրատաշենի մաքսակետով ներմուծված ապրանքը մաքսազերծելու նպատակով անհատ ձեռներեց գրանցվելու կամ այն լուծարելու, ընկերություններում բաժնեմաս ունենալու կամ չունենալու մասին տեղեկանք վերցնելու համար ստիպված են մոտ 100 կմ ճանապարհ կտրել, հասնել Իջեան: Նույն բանը նրանք ստիպված են անել նաև 5 օր անց, երբ իրենց դիմումին օրենքով սահմանված ժամկետում պետական ռեգիստրի գործակալությունից գրավոր պատասխան է տրվում: Բերդից և Նոյեմբերյանից դեպի Իջեան ավտոճանապարհը անցնում է սահմանագոտով՝ ադրբեջանական դիրքերի դիմաց, ամեն պահ իրավիճակը կարող է սրվել, ճանապարհով երթելու ռիսկերի կյանքը՝ վտանգվել: Իջեան քաղաքում Հայփոստի շենքում տեղակայված հանրային ծառայությունների միասնական գրասենյակում աշխատանքային վատ պայմաններ են, փոքր տարածքում ապակեպատ փոքր խցերում, աշխատում են տարբեր ծառայություններ մատուցող 22 աշխատողներ: Բացի այդ, դժվարություն է Պետռեգիստրի Նոյեմբերյանի և Բերդի բաժանմունքների աշխատողների՝ Նոյեմբերյան և Բերդ Իջեանից հասնելը և աշխատանքային օրվա ավարտից հետո իրենց բնակության վայրերը վերադառնալը: Պետական ռեգիստրը գործում է ՀՀ արդարադատության նախարարության կազմում, և այդ նախարարության Պետռեգիստրի գործակալության Բերդի և Նոյեմբերյանի բաժանմունքների փակումը հարուցել է սահմանամերձ Բերդի և Նոյեմբերյանի բնակչության, հատկապես՝ գործարարությամբ զբաղվողների բողոքը:

ՈՍԿԱՆ ՍՈՐԳՅԱՆ
Տավուշ

ՔՆՆԱՐԿՈՒՄ

ՀԱՅ-ԹՈՒՐԻՔՄԵՆԱԿԱՆ ՀԱՄԱԳՈՐԾԱԿՑՈՒԹՅԱՆ ՆՈՐ ՈՒՂԻՆԵՐԸ

ՀՀ կրթության, գիտության, մշակույթի և սպորտի նախարար Ժաննա Անդրեասյանն ընդունել է ՀՀ-ում Թուրքմենստանի արտակարգ և լիազոր դեսպան Մուհամեդգերի Այազովի գլխավորած դասվորակությանը: Հանդիպմանը ներկա է եղել նաև նախարարի տեղակալ Արթուր Մարտիրոսյանը:

Ժաննա Անդրեասյանը, կարեւորելով Հայաստանի և Թուրքմենստանի միջեւ ձեւավորված բարեկամական կապերը, նշել է, որ երկու երկրների հարաբերություններում կրթության, գիտության, մշակույթի, սպորտի և երիտասարդության ոլորտներում համագործակցությունն առանձնահատուկ տեղ է գրավում: Նախարարի խոսքով՝ համատեղ նախագծերի իրականացումը և փորձի փոխանակման հնարավորությունը նպաստում են երկկողմ հարաբերությունների ամրապնդմանը:

ԿԳՄՍ նախարարը միջբուհական համագործակցության զարգացման համատեքստում առանձնացրել է դրա կայուն զարգացման ապահովման հնարավորությունը համատեղ կրթական և հետազոտական, ինչպես նաև ուսանողների ու դասախոսների փոխանակման ծրագրերի իրականացման միջոցով ընդգծելով, որ ՀՀ բուհերում ներկայում սովորում է Թուրքմենստանի 30 քաղաքացի: Ժաննա Անդրեասյանը գիտության ոլորտում համագործակցությունը զարգացնելու և ամրապնդելու պատրաստակամություն է հայտնել Թուրքմենստանի գործընկեր կառույցների հետ համատեղ գիտահետազոտական ծրագրեր կյանքի կոչելու միջոցով: Նախարարը կարեւորել է համագործակցության շարունակությունը ՀՀ ԳԱԱ Ա. Նազարովի անվան երկրաֆիզիկայի և ինժեներային սեյսմաբանության ինստիտուտի և Թուրքմենստանի գիտությունների ակադեմիայի սեյսմաբանության և ֆիզիկայի ինստիտուտի միջեւ: Այդպիսի համագործակցությունը, ըստ նախարարի, հեռանկարային է գիտության ոլորտում նոր ծրագրեր և նախաձեռնություններ իրականացնելու համար: Կողմերը դիտարկել են նաև մշակույթի և ստեղծագործական ոլորտում համագործակցությունը՝ երկու երկրներում անցկացվող միջազգային միջոցառումներին թատերական արվեստի վարպետների, ան-



հատ կատարողների, ստեղծագործական խմբերի և մշակույթային կազմակերպությունների մասնակցությամբ: Ժաննա Անդրեասյանի խոսքով՝ 2023 թվականին նշվում է հայ մեծանուն կոմպոզիտոր Արամ Խաչատրյանի 120-ամյակը, և ցանկալի կլինի թուրքմեն մշակույթի գործիչների մասնակցությունը հորեյանական միջոցառումներին: Նախարարը նաև տեղեկացրել է, որ ներպետական համաձայնեցման ընթացակարգ է անցել «ՀՀ կառավարության և Թուրքմենստանի կառավարության միջեւ մշակույթի ու արվեստի բնագավառում 2022-2024 թվականների համագործակցության» ծրագրի նախագիծը, որը 2022 թ. հունիսին փոխանցվել է թուրքմենական կողմին՝ փոխհամաձայնեցման: Կողմերը համաձայնվել են ծրագրի նախագծի ժամկետները փոխել՝ սահմանելով 2023-2024 թթ.: Երիտասարդության և սպորտի ոլորտներում համագործակցության համատեքստում Ժաննա Անդրեասյանն առաջարկել է Ծաղկաձորի գլխավոր մարզահամալիրում և Երեւանի Օլիմպիականում անցկացնել համատեղ ուսումնամարզական հավաքներ զառու ոճի ըմբշամարտ, ծանրամարտ, հունահռոմեական ըմբշամարտ, ձյուդո և բռնցքամարտ մարզաձեւերից: Նշվել է, որ այսօրինակ ծրագրերը կնպաստեն երիտասարդ սերունդների միջեւ շփումների համար անհրաժեշտ նոր հարթակների և հնարավորությունների ստեղծմանը: ՀՀ-ում Թուրքմենստանի արտակարգ և լիազոր դեսպան Մուհամեդգերի Այազովն իր հերթին շնորհակալություն է հայտնել թուրքմենական կողմի նա-

խաձեռնություններին աջակցելու համար՝ նշելով, որ մեծ ուշադրություն են դարձնում ԿԳՄՍ նախարարության հետ համագործակցությանը: Դեսպանն անդրադարձել է Հայաստանի և Թուրքմենստանի համատեղ միջոցառումներին, մասնավորապես՝ նշվել է, որ 2019 թ. Նոյեմբերի 5-7-ը Թուրքմենստանում կայացել են Հայաստանի մշակույթի օրեր, որի շրջանակում տեղի են ունեցել մի շարք ցուցադրություններ, փորձի փոխանակման և վարպետության դասեր: 2020 թ. մայիսի 4-6-ը նախատեսվում էր իրականացնել «Թուրքմենստանի մշակույթի օրերը Հայաստանում» ծրագիրը, սակայն կորոնավիրուսի համաճարակով պայմանավորված՝ ծրագիրը հետաձգվել է, և այն Հայաստանում կանցկացվի այս տարի: Մուհամեդգերի Այազովը խոսել է նաև Երեւանի Կոմիտասի անվան պետական և Թուրքմենստանի ազգային կոնսերվատորիաների, Հայաստանի ազգային ազրարային և Թուրքմենստանի Ս. Ա. Նիյազովի անվան գյուղատնտեսական համալսարանների, ՀՀ ԳԱԱ Ա. Նազարովի անվան երկրաֆիզիկայի և ինժեներային սեյսմաբանության և Թուրքմենստանի գիտությունների ակադեմիայի սեյսմաբանության և ֆիզիկայի ինստիտուտների, Մեսրոպ Մաշտոցի անվան Մատենադարանի, ինչպես նաև Երեւանի պետական և Թուրքմենստանի Մախթումկուլիի անվան պետական համալսարանների միջեւ համագործակցության ընդլայնման հարցերի մասին: Հանդիպման ընթացքում քննարկվել են նաև երկկողմ հետաքրքրություն ներկայացնող այլ հարցեր:

ՕԳՆՈՒԹՅԱՆ ՉԱՓԸ ԿՓՈՓՈՒՄԿԻ

Ազգային ժողովում մեկնարկում են մշակական հանձնաժողովների նիստերը: Այդտեղ կհանրակրկենք արդեն ԱԾ լիազումար նիստում, որը սկսվելու է փետրվարի 28-ին: ՀՀ աշխատանքի և սոցիալական հարցերի նախարարի տեղակալ Գավիթ Խաչատրյանը Աշխատանքի և սոցիալական հարցերի մշակական հանձնաժողովի նիստում ներկայացնելու է «Հայաստանի Հանրապետության դաշնամուրային ժամանակ գինձառայողների կյանքին կամ առողջությանը դաժնաձված վնասների հատուցման մասին» օրենքում փոփոխություններ և լրացումներ կատարելու մասին» օրենքի նախագիծը:

Համաձայն օրենքի՝ հիմնարկումի շահառու է հանդիսանում նաև այն գինձառայողը, որը մարտական գործողությունների ժամանակ ստացած վնասվածքի կամ խեղման հետևանքով ստացել է առաջին կամ երկրորդ խմբի հաշմանդամություն:

Ըստ այդմ ամսական հավասար վճարումները վճարվում են առաջին կամ երկրորդ խմբի հաշմանդամության ժամանակահատվածի համար, իսկ եթե գինձառայողը վերափորձաքննության արդյունքում ճանաչվում է երրորդ խմբի հաշմանդամություն ունեցող անձ, ապա ամսական հավասար վճարումները դադարեցվում են՝ հարուցելով շահառուների դժգոհությունը: Երկրորդ խմբի հաշմանդամը հիմնարկումից ստանում է 200 000 դրամ (սպայական կազմ), 150 000 դրամ (Պայմանագրային կազմ, գործառնական կազմ և կամավորներ) և 100 000 դրամ (պարտադիր ժամկետային կազմ): Վերափորձաքննության արդյունքում երրորդ խմբի հաշմանդամ ճանաչվելու դեպքում հաշմանդամություն ունեցող անձը կսկսի ստանալ՝

- 1) սպայի դեպքում՝ շուրջ 74 000 դրամ,
- 2) պայմանագրային և գործառնական կազմի հաշմանդամի, կամավորի դեպքում՝ 66000 դրամ,
- 3) պարտադիր ժամկետայինի դեպքում՝ 66 000 դրամ:

Բժշկասոցիալական փորձաքննության արդյունքում, եթե գինձառայողը ճանաչվում է երրորդ խմբի կամ ֆունկցիոնալության միջին աստիճանի սահմանափակումով հաշմանդամություն ունեցող անձ, դրամական աջակցության չափն առաջարկվում է՝ սպայական կազմի գինձառայողներին՝ 75 000 դրամ, պայմանագրային և գործառնական կազմի գինձառայողներին՝ 50 000 դրամ, պարտադիր ժամկետային կազմի գինձառայողներին՝ 25 000 դրամ: Համաձայն Աշխատանքի և սոցիալական հարցերի նախարարության տրամադրած տվյալների՝ առ 29.08.2022թ. 44-օրյա պատերազմի հետևանքով երրորդ խմբի հաշմանդամություն է սահմանվել 114 անձի, որոնք նախկինում հանդիսացել են երկրորդ խմբի հաշմանդամներ: Միաժամանակ, ներկայացվող նախագծով առաջարկվում է սահմանել, որ համատեղ զավակ ունեցող անձը հատուցման իրավունք ունի, եթե գինձառայողը չունի ամուսին:

ՆԱԻՐԱ ՀՈՒՆՏԻՆՍԻԱՆ

● Անցած 3 օրվա ընթացքում Հայաստանի Հանրապետությունում արձանագրվել է 19 ՃՏՊ. 2 մարդ զոհվել է, 43-ը՝ ստացել տարբեր աստիճանի մարմնական վնասվածքներ:

ԿԱՐԾԻՔ

ՄՇԱԿՈՒԹՎՅԻՆ ԺԱՌԱՆԳՈՒԹՅՈՒՆ

«ԱՐԱՐ» ՀԱՅ ԱԶԳԱՅԻՆ ԱՐՎԵՍՏԻ ՊԱՀՊԱՆՄԱՆ ԿԵՆՏՐՈՆ

Մշակույթի համաշխարհայնացման մասահրավերներին դիմակայելու համասեմանում ոչ նյութական մշակութային ժառանգության պահպանումն ու սերունդներին փոխանցելու գործընթացն ամենաառաջնայինն են: «Արար» հայ ազգային արվեստի պահպանման կենտրոնի առաքելությունն է նորագույն ֆաղափարության մեջ ոչ նյութական մշակութային ժառանգության կարելության բարձրացումը: «Արար» հայ ազգային արվեստի պահպանման կենտրոնը ստեղծվել է 2017 թվականին՝ ՀՀ վասակավոր արհեստներն զբաղմունքի մտահոգությունն ու ստեղծագործությունն ու նախաձեռնությունը գործում է ՀՀԿԳՄՍ նախարարության ֆինանսական աջակցությամբ եւ Հովհաննես Շարամբեյանի անվան ժողովրդական արվեստների թանգարանի հետ համագործակցությամբ: Այն միակն է ոչ նյութական մշակութային ժառանգության պահպանմանը, սարածմանը, զարգացմանն ու հանրահռչակմանը Հայաստանի ողջ սարածում:



«Արար» կենտրոնի հիմնական գործառնությունը ժողովրդական ստեղծագործության կենսունակության ապահովումն է ազգային մշակույթի ավանդույթները երիտասարդներին փոխանցելու միջոցով:

Այժմ «Արար» կենտրոններ են գործում 8 մարզի 44 համայնքում: Ժողովրդական ստեղծագործության տեղաբնակ 18 մասնագետ դասավանդում է ավանդական երգ ու պար, գորգագործություն, կարպետագործություն, ժանեկագործություն, ասեղնագործություն, խեցեգործություն, քարի եւ փայտի գեղարվեստական մշակում, խաչքարագործություն, մանրանկարչություն:

Ստեղծման օրից «Արար» կենտրոններում ուսումնառություն է անցել շուրջ 5000 եւ ավելի շահառու: Ներկա պահին դասընթացներում ներգրավված է շուրջ 900 երեխա եւ պատանի: «Արար» հայ ազգային արվեստի պահպանման կենտրոններ են գործում Սյունիքի (Տեղ), Տավուշի (Նոյեմբերյան, Այրում, Արծիս, Ջորակյան, Բագրատաշեն, Բերդավան, Բա-

ղանիս, Դովեղ, Ջուջ-ան, Լճկածոր, Պողովան, Ոսկեվան, Կողբ, Կոթի, Զաղթա-նակ), Լոռու (Դսեղ, Ստեփանավան), Արագածոտնի (Արտեմի, Ուջան, Ապարան, Արտաշավան եւ Սաղմոսավան), Գեղարքունիքի (Դարբասկ, Այգուտ, Ջորակյան), Արարատի (Ջանկապատուն, Դվին, Դիտակ, Ջրաշեն, Ջրահովիտ, Մասիս), Արմավիրի (Բաղրամյան, Զաքի, Մյասնիկյան, Խանջյան, Առատաշեն, Նորապատ), Կոտայքի (Արմյան, Զաքավան, Գեղարքի, Ողջաբերդ, Ջառ, Ջրվեժ) մարզերում: «Արար» կենտրոններում ուսուցումն անվճար է: Դասընթացների համար անհրաժեշտ նյութերն ու պարագաները եւս տրամադրվում են անվճար «Արար» կենտրոնի կողմից: «Արար»-ի նպատակն է ազգային ոչ նյութական

մշակութային ժառանգության շարունակականության ապահովումը, ճանաչելիության մեծացումն ու նրա հանդեպ հասարակության հոգածության եւ հարգանքի արմատավորումը, ոչ նյութական մշակութային ժառանգության կենսունակության ապահովումը, ժողովրդական արվեստի ոլորտում համայնքաբնակ ստեղծագործողներին մասնագիտական աջակցությունը ապահովումը, Զանգազուրի փորձի փոխանակման ապահովումը գյուղաբնակ երիտասարդ եւ սկսնակ մասնագետների հետ, ոչ նյութական մշակութային ժառանգության արժեքների պահպանության եւ այն կրողների նկատմամբ հասարակության հոգածության բարձրացումն ու կարելումը:

ԼՈՒԻՐ

ՆՈՐ ԿՅԱՆՔ



Ռեժիսոր Սարիկ Անդրեասյանը Instagram-ի իր էջում հայտնել է, որ ինքն ու կինը՝ դերասանուհի Լիզա Մորյակը, դուստր են ունեցել: Ջուլիա երեխան լույս աշխարհ է եկել փետրվարի 19-ին: «Երբ կանգնած էի հիվանդասենյակի մոտակայքի միջանցքում, ծափահարությունների ու «ուռաների» ձայներ լսեցի: Լիզան ծննդաբերում էր, իսկ ես սպասումից լարվել ու քրտնել էի: Մեզ մոտ ամեն բան լավ է: Աղջիկս մազերով է ծնվել, սեռով է, մի փոքր էլ՝ դժգոհ, իսկ դա նշանակում է, որ հաստատ ինձ է քաշել», - կատակել է ռեժիսորը: Զիջեցնենք, որ Սարիկ Անդրեասյանը Նախորդ ամուսնությունից երկու որդի ունի՝ Մարկը եւ Մարտինը:

ԼՈՒՄԱՆԿԱՐ՝ ԼՈՒԳԱՆՔԻՑ



Դերասանուհի Անատի Սաքանյանը ինստագրամյան իր միկրոբլոգում հրապարակել է «ջակուզի»-ի մեջ իր լոգանքից լուսանկար: Դերասանուհին իր հետեւորդներին ցուցադրել է գրավիչ արտաքինը: Նկատենք, որ դերասանուհին, ի տարբերություն համացանցային ակտիվությանը, պասիվ է ստեղծագործական կյանքում: Անատին արդեն տեսական ժամանակ է՝ որեւէ հեռուստասերիալում կամ նախագծում չի նկարահանվում:

ՏԱՆ ՆՈՐ ԱՆԴԱՄ

Ազգային ժողովի նախագահ Ալեն Սիմոնյանի ընտանիքը նոր անդամով է համալրվել: Բան այն է, որ Աժ նախագահը, որն, ի դեպ, բավականին ակտիվ է համացանցային տիրույթում, ինստագրամյան սթորի բաժնում հրապարակել է փոքրիկ նապաստակի, ում նա կերակրում է գազար, եւ ծանոթացնում իր հետեւորդներին իրենց տան նոր անդամի հետ:

ԿԱՐԾԻՔՆԵՐ

«ՔԱՐԴԱՇՅԱՆՆ ՈՒ ՆՐԱ ԸՆՏԱՆԻՔԸ ԱՅԼՄՈՒՈՐԱԿԱՅԻՆՆԵՐ ԵՆ»

Երկրագունները Քիմ Քարդաշյանին կասկածում էին ՉԹՕ-ների գործունեության մեջ նրա SKIMS լողազգեստների գովազդային արժանիքի հետ, որտեղ ներկայացված էին «այնորոակայիններ»: Մրցավի դեբյուտը տեղի ունեցավ Միացյալ Նահանգներում վերջերս ՉԹՕ-ների հայտնաբերման ֆոնին:

42-ամյա հեռուստաստղն անցած շաբաթ ներկայացրել է լողազգեստների նոր գովազդային արձանը, որի ռեժիսորն է Spring Breakers-ի տնօրեն Զարմոնի Քորիլը: «SKIMS SWIM BY HARMONY KORINE-ը մեկնարկում է փետրվարի 21-ին», - գրել է Քարդաշյանը Instagram-ում հավելելով այլմոլորակայինների մոնո: Լուսանկարներում Քարդաշյանն է՝ SKIMS բիկինիով եւ մոնոկինիով, շրջապատված լողազգեստներով մոդելներով՝ ֆոտոշոփով արված այլմոլորակայինների գլուխներով: Այլմոլորակայինների

ոգեշնչված արձանը մեկնարկել է այն բանից հետո, երբ անցած շաբաթ Ալյասկայի, Կանադայի եւ Միջիգանի վրայով երեք անհայտ թռչող օբյեկտներ են խոցվել: Մի քանի օր առաջ չինական լուստասական օդապարիկը, որը մեկ շաբաթ թռչում էր ԱՄՆ-ի վրայով, հրթիռով խոցվել էր Զարավային Կարոլինայի ափերի մոտ: Սոցցանցերում անբացատրելի ակտիվության ֆոնին լուրեր են տարածվել, որ ՉԹՕ-ներն ուղարկվել են այլմոլորակայինների կողմից: Այն բանից հետո, երբ Քարդաշյանը հրապարակել է SKIMS-ի իր նոր գովազդը, երկրպագուները Քարդաշյանին մեղադրել են այլմոլորակային լինելու եւ գործունեությունն ծավալելու համար: «Այս բոլոր ՉԹՕ-ները ոչնչացվել են, որպեսզի մեզ պատրաստեն SKIMS լողազգեստների թողարկմանը. հիմա ամեն ինչ իմաստ ունի», - գրել է բաժանորդներից մեկը:

«Դրա համար էլ վերջերս մենք ՉԹՕ-ներ ենք տեսնում», - նկատել է մեկ այլ օգտատեր: «Քիմին փրկեցին մի քանի այլմոլորակայիններ, նախքան նրանց ՉԹՕ-ն կկործանվեր... Պաշտպանիր այլմոլորակայիններին ամեն գնով», - ավելացրել է երկրպագուն: «Արդյո՞ք նա հիմա մեզ պատրաստում է այլմոլորակայինների համար», - հարցրել է երրորդը: «Ես գիտեի, որ այս ՉԹՕ-ները ինչ-որ կապ ունեն Քարդաշյանների հետ», - նկատել է մեկնաբանություն գրողների մեկը: «Նա գիտի մի բան, որ մենք չգիտենք», - համաձայնել է մյուսը: Սոցցանցերի որոշ օգտատերեր հայտարարել են, որ Քարդաշյանն ու նրա ընտանիքը իրականում այլմոլորակայիններ են: «Նա հաստատ նրանցից մեկն է... Արթնացե՛ք, խնդրում եմ», - գրել է մեկ այլ օգտատեր:

● Փետրվարի 22-ին Երեւանի պետական կամերային թատրոնում տեղի կունենա «Fe Show» ներկայացումը: Տոմսերի արժեքը՝ 8000-12000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ԿՐՈՆԱԿԱՆ

ՀԱՐՑ. Ե՞րբ է սկսվում Մեծ դահլիճի օրջանը, եւ ի՞նչ սննդամթերքներ են թույլատրելի:
Արսենուհի Արզումանյան (22 տարեկան)



ՊԱՏԱՍԽԱՆ. Մեծ պահքի շրջանը տեւում է 48 օր Բուն Բարեկենդանից մինչեւ Ս. Զարուբայան (Զատիկի) տոնի նախօրեւ: Այս տարի Մեծ պահքը սկսվել է փետրվարի 20-ից: Պահքի շրջանում օգտագործում են բացառապէս բուսական ծագում ունեցող սննդամթերք, քանզի բուսական կերակուրներ ուտելով՝ թուլացնում ենք մեր մարմնական ցանկությունները, որպէսզի հոգեւոր ցանկություններն առաջ գան, որպէսզի մարդը հիշի, որ ինքը, մարմնավոր էակ լինելուց բացի, նաեւ հոգեւոր էակ է, եւ հոգեւոր կյանքն ավելի կարեւորություն ստանա, ու մարդն ավելի շատ մտածի հոգեւոր սննդի մասին: Պահքի ընթացքում հրաժարվում են ոչ միայն որոշակի կերակուրներից, այլեւ մոլի սովորություններից (ծխախոտ, ոգելից խմիչք, թմրադեղ, թղթախաղ, հաճույքի եւ զվարճանքի վայրեր, որկրամոլություն, ագահություն, բոլորակողմություն եւ այլն), շատախոսությունից, ստախոսությունից, հայիռյանքից եւ այլ մեղքերից:

Սայր Աթոռ Սուրբ Էջմիածին

«ԺՈՂՈՎՈՒՐԳ». Կերակրից հրաժարվելն առանց մեղքից հետ կանգնելու անօգուտ է: «Սատանան միշտ պահքի մեջ է, ոչինչ չի ուտում, բայց մեղք գործելուց չի դադարում եւ չի հոգնում», - ասում է Ս. Գրիգոր Տաթևացին:

ԻՐԱՎՈՒՆՔ

ՀԱՐՑ. Ի՞նչ անել եւ ու՞մ դիմել, եթե սփողում կամ արգելում են որեւէ հանրահավաքի մասնակցել:
Մարիամ Ղազարյան (35 տարեկան)



ՊԱՏԱՍԽԱՆ. Հավաքների մասնակցելուն հարկադրելը կարող է դրսեւորվել տարբեր ձեւերով՝ բռնություն կիրառելով, բռնություն կիրառելու սպառնալիքի ձեւով, գույքը վնասելով: Հավաքների մասնակցելուն հարկադրելը կարող է դրսեւորվել նաեւ գործատուի կողմից իր աշխատողներին աշխատանքից ազատելու սպառնալիքի ձեւով կամ դրա մասին ուղղակի ակնարկելով: Հավաքների մասնակցելու կամ, հակառակը, հավաքների չմասնակցելու նպատակով նյութապէս շահագրգռելը, օրինակ՝ դրամ կամ ծառայություն խոստանալը կամ տալը, նույնպէս առաջացնում է քրեական պատասխանատվություն: Մասնավորապէս՝ եթե Ձեզ գումար են առաջարկում հավաքին մասնակցելու նպատակով, ապա այդ արարքը գումար առաջարկողի համար առաջացնում է քրեական պատասխանատվություն:

ՀՀ կենտրոնական ընտրական հանձնաժողով

«ԺՈՂՈՎՈՒՐԳ». Սահմանադրությամբ երաշխավորվում է յուրաքանչյուրի՝ խաղաղ, առանց զենքի հավաքների մասնակցելու կամ հավաքներ կազմակերպելու իրավունքը: Հավաքների ազատության իրավունքի պաշտպանությունը առավել արդիական է դառնում նախընտրական շրջանում: Քրեական օրենսգրքով պատասխանատվություն է նախատեսվում հավաքների ազատության իրավունքի խախտման համար, այդ թվում՝ նախընտրական շրջանում: Հատկապէս տարածված են նախընտրական շրջանում անձանց հավաքներին մասնակցելուն հարկադրելու դեպքերը:

ԼՈՒՐ ԿԱԴՐ

Լուսանկարն արվել է Երեւանում



ՀՀ կրթության, գիտության, մշակույթի եւ սպորտի նախարարը եւ նախարարի տեղակալը Գիրք նվիրելու օրվա շրջանակում այցելել են Երեւանի Նիկողայոս Տիգրանյանի անվան տեսողության խանգարումներ ունեցող երեխաների թիվ 14 հատուկ դպրոց: Նախարարը դպրոցի գրադարանին նվիրել է բրայլյան գրքեր՝ Ստեփան Զորյանի պատմվածքները, եւ աուդիոգրքեր՝ օտար գրողների ստեղծագործություններ, որոնք նախատեսված են դպրոցական ծրագրով ընթերցանության համար:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից
«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ
Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____
Հեռ.՝ (060) 490049
0023, Արշակունյաց 2, 5-րդ հարկ, 518ս.

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 20.02.2023
Պատկերը հեղինակել է Վարդան Կ. Զափրանյան 2011

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: